



NAPREDUJE IST RAGA O DODIKOVOJ VILI NA DEDINJU

● Pripadnici **SIPA slobode** lišili Slobodana Pavlovića, Petra Lazića Blagojevića ● Sprema se istraga i o trećoj Dodikovoj aferi?

Ljilju Garić i Blagu

Pripadnici Državne agencije za istrage i zaštitu (**SIPA**) jučer su u prijedpodnevnim satima na području Bijeljine uhapsili bivšeg direktora Pavlović banke Petra Lazića (1962) i referenticu u ovoj banci Ljilju Garić (1964). Nedugo nakon toga uhapšeni su po nalogu Tužilaštva BiH i vlasnik banke Slobodan Pavlović (1938) i Blago Blagojević, njegov dugogodišnji bliski saradnik (1950).

Pranje novca

“Postupajući po naredbi Tužilaštva BiH, policijski službenici Državne agencije za istrage i zaštitu danas su na području Bijeljine i Mostara slobode lišili tri osobe inicijala P. L., Lj. G. i S. P, zbog postojanja osnova sumnje da su počinile krivično djelo zloupotreba položaja ili ovlaštenja i pranje novca, a u vezi sa poslovanjem Pavlović banke. Osobe lišene slobode bit će privedene u službene prostorije **SIPA** radi kriminalističke obrade, nakon čega će biti predate Tužilaštvu BiH na

dalje postupanje. U ovoj istrazi ne možemo iznositi druge informacije u javnost”, saopštili su jučer iz **SIPA**, te u drugom saopštenju naveli kako je uhapšen i Blago Blagojević.

Njega Tužilaštvo BiH tereti za zloupotrebu položaja ili ovlaštenja i pranje novca, a sve u vezi sa poslovanjem Pavlović banke.

Podsjećamo, početkom decembra prošle godine, Pavlović je došao iz Sjedinjenih Američkih Država u Sarajevo, gdje je saslušan u Tužilaštvu BiH, u pratnji svog tadašnjeg advokata Duška Tomića. Saradnja njih dvojice je ubrzo prekinuta, budući je Tomić tvrdio da Pavlović svoje pare može i bacati, ako to želi, ali da sadašnji predsjednik Republike Srpske Milorad Dodik za zloupotrebu pečata Vlade RS-a i činjenicu da sam ne vraća kredit koji mu je dala Pavlović banka, mora odgovarati.

Svi jučer uhapšeni navedeni su u krivičnoj prijavi koju je podnijela Srpska demokratska

stranka protiv organizovane grupe, čiji je organizator Milorad Dodik, a zbog izvršenja više krivičnih djela.

Pored Dodika, krivična prijava SDS-a je podnesena protiv Pavlovića, potom Radomira Jovanovića, bivšeg direktora Pavlović banke Petra Lazića, Slobomira Blage Blagojevića, članova Nadzornog odbora Pavlović banke Mileta Pavlovića i Milovana Erića, kao i direktorice Agencije za bankarstvo RS-a Slavice Injac.

“Postoje osnovi sumnje da su ova lica, koristeći svoj uticaj, javnu funkciju i značajna novčana sredstva, izvršila krivična djela tako što su Miloradu Dodiku, kada je on bio predsjednik Vlade Republike Srpske, u 2008.





Pavlović sa bivšim advokatom ispred Tužilaštva u decembru 2015.

godini omogućila prijem novčanih sredstava od 1.468.373 KM po osnovu navodnog kredita, kao i da su za račun Dodika ovaj navodni kredit otplaćivala u zamjenu za određene protivu-sluge. Dodik je kao kupac 16. maja 2007. zaključio ugovor o kupoprodaji nepokretnosti sa Komercijalnom bankom ad Beograd kao prodavcem i to porodične stambene zgrade u Beogradu, u Ulici Vaska Pope 16, za ukupnu kupoprodajnu cijenu od 850.000 eura. Dodik je prije potpisivanja ugovora, 3. marta 2007, platio kaparu od stotinu hiljada eura, a na dan ovjere ugovora o kupoprodaji 16. maja. 2007. je platio preostali iznos od 750 hiljada eura", navedeno je u prijavi.

Iz SDS-a su istakli da je Dodik sa svog računa u Pavlović banci 14. maja 2007. prebacio 750 hiljada eura na svoj račun u Komercijalnoj banci ad Beograd. Uhapšeni Ljiljana Garić i Petar Lazić potpisali su dokumente banke o kreditu Dodiku, a nezvanično saznajemo kako će upravo Lazić, kao tadašnji direktor Pavlović banke, svu

krivicu za ovaj slučaj nastojati prebaciti na vlasnika Pavlovića, po čijoj je naredbi, navodno, radio.

Lazić je, prema navodima prijave SDS-a, bio i predsjednik Kreditnog odbora banke, koji je 25. 6. 2008. donio odluku kojom je odobrena izmjena uslova kredita Miloradu Dodiku iz 2007, na način da se kao instrument vraćanja kredita uspostavlja depozit od 489.457,66 KM, hipoteka na predmetnoj nekretnini i vlastita mjenica Milorada Dodika.

"Odlukom od 27. 6. 2008. NO Pavlović banke je odobrio dugoročni kredit Miloradu Dodiku od 1.468.373,00 KM (pretpostavka je da se ovo odnosi na odobrenje izmjene kredita iz 2007, ukoliko je taj i postojao). Ovu odluku je potpisao Slobodan Pavlović. Među dokazima je i ugovor o kreditu koji je Dodik potpisao sa Pavlović bankom 27. juna 2008. S ciljem realizacije ovog kredita, Pavlović banka je prenila sredstva u korist računa Milorada Dodika opštim nalogom za prenos 26. 8. 2008. u iznosu od 1.468.373,00 KM. U prijedlo-

gu Centralnom kreditnom odboru od 18. juna. 2008. i u odluci od 27. 6. 2008. je navedeno da se ovim dokumentima predlaže izmjena kredita po ugovoru od 14. 5. 2007, a to znači da su sredstva od 1.468.373,00 KM navodno plasirana u 2007. godini", dio je prijave.

Plan otplate

Iz SDS-a su zatražili da se utvrdi da li je uopšte i zaključen ugovor o kreditu 14. 5. 2007. ili je riječ o fiktivnom pravnom poslu, te su predložili saslušanje samog Dodika, Slobodana Pavlovića, Blaga Blagojevića, Petra Lazića i Liljane Garić. U krivičnoj prijavi je naveden i plan otplate kredita, gdje je do juna 2010. mjesečna rata bila 18.983,39 KM, kao i uplatnice koje je uplaćivao Radomir Jovanović, još jedan blizak saradnik Pavlovića.

Prije nekoliko dana Večernji list ustvrdio je, pozivajući se na svoje izvore u Tužilaštvu BiH, kako istrage protiv predsjednika RS-a nema. Ubrzo nakon toga, u Tužilaštvu je saslušan još jedan biznismen blizak Dodiku - Milenko Čičić, vlasnik fir-

me Kaldera Kompani iz Laktaša, koji se nakon toga novinarima obratio tek riječima: "Budite ljubazni i pustite me da prodem". U ovom predmetu, tek se zna da je istraga otvorena. Oslobodjenje saznaje da bi se u saradnji sa Interpolom

još jedan blizak saradnik Milorada Dodika mogao naći pred domaćim pravosuđem, a u vezi sa poslovima koje je predsjednik RS-a i SNSD-a imao u energetskekom sektoru.

J. MILANOVIĆ

Dodikova vila na Dedinju

